

առի ի վայելումն սբ ծննդեան ի դուռն սբ Ածածնին. որ զայս կարգայ կազմողս յիշէ. . թվին ՌՃՁԲ» (= 1733):

ՂԱԶԱՐ ՎՐԴ.— 1750 ին Առ. Տրապիզոնի, ուխտաւորութեամբ կ'այցելէ Ս. Յակոբի վանքը:

ՂԱԶԱՐ ՎՐԴ.— Մբ. 1701 ին:

ՂԱԶԱՐ ՎՐԴ. ԽԻԶԱՆՑԻ.— Մբ. 1802 ին Յոպպէի պաշարման եւ պատերազմի ատեն կը վարէր նոյն քաղաքին Հայոց վանքին տեսչութիւնը, եւ ենթարկուեցաւ տուգանքի, բանտի և գանակոծութեան, տեսնել մանրամասնութիւններն (ժպե. Բ. հատ. էջ 140—156): 1804ին Ղազար վրդ. ի օրով, նոյն վանքի հարաւային վերին փայտէ կամարները քարէ կը շինուին և նոյն կամարներուն մէջտեղը կը զետեղուի մարմարեայ քար մը, որուն արձանագրութիւնն է հետեւեալը. «Այսօքիկ կամարքս յառաջագոյն փայտեայ էին. իսկ ի ՌՄԾԳ (= 1804) թվին Հայոց, քարեայ շինեցան բազում ծախիւք. ի Պատրիարքութեան Ս. Երուսաղէմի Տեառն Թէոդորոսի Սրբազան վեհի վանեցոյ. յիշատակ օրհնեալ Ազգիս Հայոց. վերակացուութեամբ տեղւոյս բռէիզ Ղազար վարդապետի Խիզանցոյ»:

ՂԱԶԱՐ ՎՐԴ. ԿԵՍՍՐԱՑԻ.— Մբ. Մշոյ, 1744 ին նւ. Ռուսմելի, վանքին տուած իր յիշատակներու մասին (ՄՁ. Թ. 532):

ՂԱԶԱՐ ՎՐԴ. ՎԱՆՑԻ.— Մբ. կը վախճանի 1814 ին:

ՂԱԶԱՐ ՎՐԴ. ԿԵՍՍՐԱՑԻ, (Բհօւհ).— Սղերզի և Մշոյ կողմերը պաշտօնավարած ժամանակ, կուսակալները իր մասին կը գանգատին Բ. դրան, կը ձերբակալուի Տիգրանակերտի մէջ, և հոնկէ ալ կը տարուի Պոլիս և պետական գրով մը կը տարագրուի 1859 ին Ս. Յակոբի վանքը և կը բնակի հոն. (Օրագրութիւն Տիգրանակերտցի քարգտան Յակոբ վրդ. ի, 1859 Յլիս. 27):

ՂԱԶԱՐ ՔՀ. ԱԿՆՑԻ.— 1652 ին Ս. Հրեշտակապետ վանքին մէջ կ'ընդօրինակէ Հարանց վարժ ձեռագիրը Յակոբ դարձի խընդրանքով:

ՂԱԶԱՐ ՔՀ. ԱԿՆՑԻ.— 1679 ին ուխտաւորութեամբ կ'այցելէ Ս. Յակոբի վանքը: Ակնայ Կամարակապ գիւղի Ս. Աստուածածին եկեղեցիին ձեռագիրներէն փոքր Աւեսարանի մը յիշատակարանէն կը տեղեկանանք որ նորընծայ Ղազար քհ. ն ՌՃԻԸ (=